

Alfoo vvy ouer een deel iaren hebben ghemaect voor Ieronimus Cock, ende oock by hem vvtgheghaen sijn, diuersche stucken boecvvijs, te vveten: de vier oorden der columnen Architectura, als Dorica en Ionica, elc in drien ghedeylt, oock Corinthia en Composita in vieren ghedeylt, met hene ornamenten ende chieraten daer toe dienende: dienstlijc voor alle schrijnverckeren, antijsnijders ende alsulcke liefhebbers. &c.

Alfoo hebben vvy ooc daer nae ouerlange geïnventeert ende gheteekent opt voorgaende volgende, de vijfde oorden Tuschana in tvveen diuersch gedeylt tot 12 stucken, hoe vvel dese deerste behoorde te sijn, nu ten lesten moeten voortbrenghen, voor alle liefhebbers der rustiquer Architecture, tsij steenhouwers, metsers, boumeesters en beminders der Antiquer bouvinghen.

Ende al ist dat vvy in desen, by elc stuc deser oorden in tvveen verdeylt tsij pedestalen, columnen oft coronomenten, noch ooc by de adiuncte stucken der facien, poorten en freyt-mueren, gheen besondere maten en hebben geteekent, als by de andere voorgaende tvvee stucken gedaen is, is in desen noodeloos: vvant deser maten can elc verstandighe sulc hem noodich is lichtelijc vvt elck stuc geteekent beuinden oft stellen tot sijnen contentemente naer de gelegentheyt sijns vvercks, altijs volghende de oorden ende leere Vitruuij. Vvat de particuliere maten en deylinghen belangt, dat stel ick elck tsijnder discretien soo hy tot sijnen dienste ten besten beuinden sal.

Vvat meer van tvoorgaende te tracteren is, en derfmé hier niet meer verhalen. In mijnen lesten boec Architectura, tracterende van de vijf columnen, by my ghemaect, ende vvtgheghaen by Gheeraert de Iode, daer suldy by elck in sijne oorden, van desen ende meer andere laken desen aengaende alle bescheet vinden desen noodich, ende dienende tot dien, ende dat stuc dienende tot desen: Vvat vvat dit int particulier stucvvijs begrijpt en bevvijst, tracteert dat ander int generael.

Alfoo beminders en discrete Architecten, vvilt mijn slecht ende onversocht verstant in desen ten besten aennemen en excuseren, ende ick vvil gheerne met verbeteren gheleert en ghestraft sijn: vvant ick gheue dmijne om een beter.

Zijt altijt Vredeman Vries
Architector.